



## LOGOS E NÙMENES DE LOGOS

Progetu finantziadu dae sa R.A.S. segundu sa L.R. n. 44/1993 a su consòrtziu de sos Comunes de su Gotzèanu (Anela, Benetuti, Bono, Bultei, Burgos, Esporlatu, Nule, Illorai) cun su comune de Bono capufila in occasione de “ Sa die de sa Sardigna 2008” dedicata a “Sa limba sarda”.

### COMUNE DE BONO

Su protzedimentu adotadu in sa chirca est istadu partzidu gasi:

- regorta de materiale documentàriu costoidu in s’Archìviu de Istadu de Tàtari;
- regorta de materiale topogràficu de custos tempos;
- incheita intre sos abitates de sos logos sebestados in sa chirca pro averiguare si sos topònimos presentes in sas fontes istòricas esserent galu reconnòschidos dae sa popolazione.

De su tzentru de Bono amus a disponimentu sa carta de su Cessato Catasto (chi risalit duncas a sa meidade de su sèculu su de XIX) partzida in bator partes, ma no amus sa denumenatzione de sas contradas in su Sommarione chi pertocant sos fràigos. Custu documentu est depositadu ande s’Archìviu de Istadu de Tàtari. De ogni manera in una carta b’est s’intestatzionede sa contrada: est difatis marcadu su nùmere de Budullau (Tàula IV).

Su tzentru istòricu de oe de Bono est a manera longitudinale in un’asse chi includit a nord viale della Libertà e a sud via Alessandro Manzoni; su tzentru istòricu est partzidu in duos dae sa carrera printzipale de sa bidda: corso Angioy.

Sos nùmenes de sos bighinados de Bono de oe de su tzentru istòricu, in sa cumparatzione de sas cartas, sunt:

- **Budullau** (a in intro de su perìmetru Via Sant’Efisio-via Monte Pisanu-Viale Italia-Via Su Craru-Via Limbara-via Monte Pisanu alta; cun orìgine in Piazza Sant’Efisio)
- **Santu Remundu** (a in intro de su perìmetru Piazza Gramsci-Via Manzoni-Via Mazzini-Via Brigata Sassari, con orìgine in su Colle San Raimondo)
- **Bolia** (a in intro de su perìmetru Corso Angioy-Via Gioberti-Via Mazzini-Via Brigata Sassari- e sas domos chi s’acherant a Via Azuni e Via Gonario)
- **Quarteri** (Corso Angioy-Via Martiri angioyni- Viale della Libertà-Via Foscolo-chi rugrat cun Via Fara; con orìgine in sa Piazza Quarteri)
- **Santu Nigola** (Corso Angioy-Traversa Fara-Via Roma-Via G. A. Mura-Via S. Giovanni)
- **Santu Juanne** (Via San Giovanni-Viale della Libertà-Via Foscolo-Via Sos Niberos; cun orìgine in sa Piazza San Giovanni)
- **Sant’Antoni** (Via Manzoni-Via Stazione-Via Cottolengo-Corso Angioy; cun orìgine in sa crèsia de Sant’Antoni)



**REGIONE AUTONOMA DELLA SARDEGNA**

**“Sa die de sa Sardigna” 2008**

- **Adda ‘e Riu** (Via Carducci-Via Cottolengo-ad est di via Don Minzoni e a sud de Via Pacinotti; orìgine Piscobia e Piazza Marconi)
- **Santa Rughe** (Corso Angioy-Via Carducci-Via G.A. Mura-Via Casu)

S’istrutura de sos bighinados paret bastante parìvile e refretit sa de su sèculu su de XIX. Su bighinadu de Budullau chi cumparit in sa Tàula IV est agiumai chirriadu dae sos àteros bighinados dae una fàscia chi incluit sas pratzas Gramsci e Trieste, sitos in ue s’agatat su Palatu de su Comune.